



Landjugiprogramm

Oktober – Dezember

2022

Europapark, SA & SO 15. & 16.10.2022

Mir göi für nes Wuchenänd uf Rust i Europapark. Mir traffe üs am 5:20 am Morge bim Bahnhof in Boll. Mit em 5:34 Zügli geits de ab uf Bärn wo üs dr Car am 6:20 bim Kunstmuseum abhout. Übernachte düemer im Rebstock und am Sunnti Namitag geits de wider heizue. Ca. am 20:00 si mir de ume z Bärn.



Wildesse, DO 20.10.2022

Ob es Rehschitzu, es Hirschpfäffer oder doch äbe glich es Stückli vore Wiudsau... Aues was Öies Wildässer-Härz begehrt giz ir Eintracht im Oberthal u mir wei ga luege obsi geng no so fein chöi Choche. Bisch ou drbi? De mädi doch no bis am 13.10.2022 bir Nina ahh.



Saujasset im Heistrich, FR 28.10.2022

Bim Kampf um di feini Sou wei mir ou es paar gueti Stück ga abstoube. Egau ob Ahhfänger- oder Profijasser, luschtig wird's einewäg. U wemer de scho grad zäme ungerwägs si geiz de villech ouno grad as Schwandfest.

Schwandfest, FR & SA 28. & 29.10.2022

D Landjugi Larutia git sicher ume eis aues für ires Schwandfest, drum weimer die ou dou ga ungerstütze. Mir traffe üs de grad ar Bar oder ir Festwirtschaft.

HIT, SA & SO 5. & 6.11.2022

Das Jahr findet z Herbst-Info-Träffe im Thurgouische statt bir Landjugend Tannzapfenland. Näbst dr legendäre Tannezapfeparty und em Tannetapfe-Monopoly göh mir ou di zwöi Firmene Brändle Fahrzeugbau und Isenring Holzbau ga besichtige.

Vougas Party, FR & SA 4. & 5. und 11. & 12.11.2022

D Chiubi Giglä hei das Jahr soger a zwöi Wuchenend ihri Vougas Party, oh dert gsemer üs sicher ar Bar oder ir Festwirtschaft.

Hoseträger Chiubi, SA 19.11.2022

A däm Abe saddle mir üser Hosetreger u machenis ufe Wäg zur Landjugi Schallenberg. Dasmer de ou grad zäme chü fahre machemer dr Träffpunkt am 20:00 im Klubrum, zum no chlin Vorglühiie.



Hauptversammlung, SA 26.11.2022

U scho ume isch es Jahr düre. Mir traffe üs uf di 20:00 wi immer im Heistrich. Kennsch öppe no grad öpper wo ou gärn zu üs wett id Landjugi cho? De nimmne doch eifach grad mit ad HV. U wemer de nache si, secklet de öppe nid grad ume hei,...



Steizyt-Party, SA 26.11.2022

... wüu am gliche Abe hei d Heimiswiler ouno grad iri Steizyt-Party u die wettmer de auso scho nid verpasse.

Zibelemärit, MO 28.11.2022

Dr Winter steit scho wider ide Startlöcher u z Bärn geit no einisch richtig d Post ab. Ar berühmt berüchtigte Konfettischlacht si mir das Jahr ou drbi. Näbscht em feine Zibelechueche git de öppe o no eis oder zwöi gueti Glühwii. Chunsch ou mit? Mäud di doch bis am Abe vorhär bim Bärni, daser de ou grad weis wiviu mit ihm am 18:34 im Boll iz Bähndli ihstige.



Wichtele, Dezämber 2022

Mit em Winterstart steit ou scho wider d Wiehnachte vor dr Tür. Ou das Jahr weimer enang wider viu Fröid bereite, drum düemer ändlech ume eis Wichtele.

We du ou gärn öpperem us dr Landjugi wosch e Fröid bereite u scho säuber chum masch erwarte was äch de du bechunsch, mueschdi unbedingt no bis am 26.11.2022 bir

Nadine ahmäude.

Adventsfenster, Dezämber 2022

U wüumer vorauem dr Glühwii öppis vom Beste ar Wiehnachtszyt finge, heimer üs überleit wimer mügelleicht mängisch zu müglest viu Glühwii chöme... Da giz nume ei Lösig: Adventsfenster!! Am 1.12. isches bim Bärni z Utzige, am 7.12. bir Nina im Oberthal, am 13.12. bim Ändu im Bigenthal u faus du ou no grad Lust hesch eis z organisiere, darfschdi gärn bim Ändu mäude füre 19.12. Tür isch immer abem 20:00 offe, schön wede ou verbi chunsch.



Après-Ski Party, FR & SA 9. & 10.12.2022

Ou d Frienisbärger si am Winter ihlüte mit irer Après-Ski Party. Da wei mir sicher ou drbi si, drum träffe mir üs am Friti am 20:00 im Klubrum.



Wiehnachtsmärit, SA 17.12.2022

U wüumer eifach so gärn düe näh, näh, gömer ga luege obsi am Wiehnachtsmärit z Montreux ou guete Glühwii hei. Träffe düe mir üs im Boll, witeri Infos u ahmäude chöit dir öich bir Tina.

Klubrum putzen, MI 28.12.2022

Wi au Jahr söttemer ou dr Klubrum ume eis usemischte. Mir si scho iz gspannt was äch dasmau aues fürechunnt. Aus Belohnig gitz am Schluss e feini Pizza, schön bisch ou drbi!



Vorschou

- 20.-22.01.2023 Skiweekend in Grindelwald -> ahmäude bir Nina

Kontakt

Sonja: 079 327 29 25
Tina: 078 964 03 98
Nadine: 077 521 73 69
Nina: 079 920 60 81
Sven: 079 105 73 57
Ändu: 077 459 99 18
Bärni: 076 443 19 57